



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Caroli Borromei S. R. E. Presbyteri Cardinalis Titvli
Sanctæ Praxedis, Archiepiscopi Mediolani, Vita**

Valiero, Agostino

Antverpiæ, 1588

Antonio Carafæ Cardinali Amplissimo.

urn:nbn:de:hbz:466:1-43993

3

ANTONIO CARAFÆ
CARDINALI AMPLISSIMO.



*H*istoriam esse veritatis te-
stem, nunciam vetustatis,
& magistram vitæ, opti-
mè nosti: huius qui est ex-
pers, semper puer censen-
dus est. Nobilis historiæ
pars, fructus potius suauissimus historiæ exi-
stimatur ille, qui explicatione vitæ Illustrium
Virorum percipitur: continet enim exempla
quibus ad amplectendas virtutes, & ad su-
gienda vitia mortales vehementer inflamma-
ri possunt. Et idcirco Plutarchus, Laërtius,
Suetonius, qui vitas Romanorum & Græ-
corum litterarū monumētis consignauerunt,
inter historicos meritò numerantur. In quorū
numero Aloysium Lipomanum, & Lauren-
tium Surium, qui res gestas Sanctorum in vo-
lumina redegerunt, iure collocauerimus, &
viros de Ecclesia sancta Dei optimè meri-
tos dixerimus. Et vitam Caroli Borromei
Cardinalis Sanctæ Praxedis scribere oportuit,
vt posteritati viri nostra ætate præstan-
tissimi

tissimi sanctitas testata sit, & ne debita laude vir Dei defraudaretur, multo magis eius exēplo, qui futuri sunt, ad varias & excellentes virtutes imitandas excitarentur.

Sed multum ac diu veritus sum ne singularis amor quo Carolū sum prosequutus, plurima & eius in me beneficia, scriptio mea fidem apud aliquos essent ademptura: verum cum meminerim Sanctū Ambrosium Satyri fratris laudes duobus libris complexū esse; Bernardum itidem in Homilijs quas in Cantica Canticorum conscripsit, præclara laudibus Gerardi fratris inseruisse, Gregorium Nazianzenum Gregorij Patris sui, & Gorgoniae sororis; Chrysostomum Patris sui, Basilium sororis; Augustinum itidem Monicæ matris laudes conscripsisse: sic mecum interdum loquutus sum: Viri sancti, quos nominavi, tanta amoris & sanguinis coniunctione minimè retardati, parentes, fratres suos laudauerunt: alij amicorū suorum, quorum virtutes sunt admirati, vitam conscripserunt ut Athanasius Antonij; Martini Severi; Bernardus Malachie; Gregorius Basilij, Cy

prian

5
prianus, Athanasij, Gregorij, Chrysostomus,
laudationibus etiam mortuis debitum hono-
rem tribuerunt, amori etiam suo aliqua ratio-
ne indulserunt: cur ipse idem officium non præ-
stet optimo viro, egregio Episcopo, & Car-
dinali amplissimo? cur me ipsum explicatione
tatarum virtutum quas novi & sum admi-
ratus non recreem? cur easdem optimo Car-
dinali, quem vnice dilexisse Carolus scio, non
commemorem? vt illa commemoratione pius
Cardinalis magnopere obletetur. Scribent
alij vberius: latissimus est enim scribendi cam-
pus, & tã excellentis virtutis non defuerunt
admiratores. Scribam ipse quæ vidi, quæ au-
diui, quæ longa cum eo consuetudine mihi cõ-
perta sunt. Laudationẽ certè nõ instituo, sed
interdũ digredi aliquantũ, aut alicubi diutius
insistere mihi licere arbitratus sum, tũ amore
ipso cõpellente, tum etiã maximè vt mihi ipse
ad tot tantasque virtutes imitandas acriores
stimulos inijcerẽ. Tibi Antoni Carafa Cardi-
nalis, mittenda erat hæc scriptio, qui (vt
paulo antè iudicau) à Borromeo amabaris
valde, ei que paria in amore referebas, &

multis quibus ille virtutibus insignis eun-
 dem quem Carolus nostro ordini splendorem
 afferebat, affers tu hoc tempore. Equidem
 omnibus seculis in sacro Cardinalium Collegio
 præstantes multi viri doctrina & pietate flo-
 ruerunt, quos commemorare & longum &
 superuacaneum esset. Hunc Borromeum, Pium
 Quartum Pontificem eius auunculum omit-
 tamus, & Pium v. & Gregorium XIII. Sancti-
 ssimorum Pontificum testimonijs varijs &
 multis laudibus celebratum scimus: proba-
 tum etiã valde fuisse Xisto Quinto viro ac-
 iudicio, & doctrina eximia, quem diuinitus
 nuper nobis datum Pontificem habemus: cuius
 Pontificatu Ecclesie Sancte Dei commodè
 omnia accessura speramus. Nec solum Pontifi-
 cibus quos nominavi, & sacro Collegio Car-
 dinalium, sed toti orbi Christiano eiusdem Ca-
 roli virtutem admirandam extitisse, magni
 nostri cum animi letitia audiimus; profutu-
 ram eius vitæ explicationem posteritati, De-
 iuuante, sperauerimus.

CAROL